

est cordus et terra, propter eum quem fecit de terra, descendit in terram, et in cælum hinc levavit terram. Quod ergo in illo processit, in finem speremus. Reddet nobis quod promisit : securi sumus, cautionem fecit, Evangelium scripsit; reddet nobis. Plus est quod impedit nobis. Num putamus enim non eum redditum vitam suam, qui pro nobis jam erogavit mortem suam ? Humilitatem passionis, injurias, contumelias, omnes indignitates in terra suscepit pro nobis : regnum, felicitatem, immortalitatem, æternitatem non donabit nobis ? Mala nostra pertulit, bona sua nobis non donabit ? Ad hanc spem, quia promissor est verax, securi ambulemus : sed sic vivamus, ut bona fronte illi dicamus, Fecimus quod jussisti, redde quod promisi.

SERMO CCCXCVI (a).

In assumptione episcopi.

1. Vos quidem, fratres, consolatorem queritis : sed etiam nos consolandi sumus ; et consolatio nostra nullus hominum est, sed qui facit hominem ; quoniam qui fecit resicit, et recreat qui creavit. Non possumus per infirmitatem nisi contristari ; sed per spem debebimus consolari. Omnes bonos diutios nobiscum vivere volamus, et in hac asperiora vita deserri a comitibus nolumus ; sed prævenientes nos qui bene vixerunt, hortantur exemplo suo, ut sive diu hic vivamus, sive eito hinc eamus, sic vivamus, ut ad ipsos veniamus. Quia id ipsum hic diu vivere, nihil est aliud, quam

diu molestias sustinere. Cum Deo autem vivere et apud Deum, sine ulla molestia est vivere, et sine ullo timore ne percat felicitas, quæ non habet finem. Nec debemus arbitrari episcopum vestrum, fratrem nostrum, cito hinc esse, et parum vixisse. Recte enim ibi non parum vivitur, ubi cum multum dicitur, non finitur. Nam hic etiam quod multum est, cum finium fuerit, pro nihilo deputabitur. Nec tamen parum hic vixit, si ejus opera cogitemus, non annos numeremus. Quantu alii fortasse quod per multos annos non dimicarunt, ille paucis annis implevit ? Nihil ergo aliud erat, hic eum velle tenere, nisi ejus felicitati invidere.

2. In hoc enim habenus tristitiam de homine sicut homines. Quid ergo faciemus, ut non simus homines ? Homines ergo de hominis abscessu humaniter contrastamur : sed quomodo audivimus lectionem divinam, quod *consummatus in brevi replevit tempora longa* (*Sap. iv. 13*) ? Ergo illic tempora computemus, sicut computatur dies. Quidquid ergo vobiscum egit hortando, loquendo, se ipsum proponendo ad imitandum, ad Deum laudandum et colendum, tenete ; et Memoria ipsius ornatissima vos eritis. Non enim hoc illi magnum est, recondi tumulis marmoratis ; sed condit in cordibus vestris. Vivat sepultus in vivis sepulcris. Sepultura enim ejus memoria vestra est. Apud Deum vivit, ut felix sit ; apud vos vivat, ut felices sitis. Exhortari vos ad fidem prudentiam multis verbis fortasse possemus, nisi et nos dolore humano vix loqui sineremur. Projunde quia donavit nobis Deus, ut morienti ad tempus praesentes essemus ; quoniam donavit nobis, ut funus ejus deduceremus : deductio quæ debetur charitati, nihil addit felicitati : donavit etiam, ut sanctitatem vestram videremus, vosque alloqueremur, ut pro modulo nostro consolandi vos consolaremur : quidquid nos dolor dicere non permittit, cogitando supplete ; et noster animus in recordatione tanti viri, etsi habet humanum inerorem, non habet infidelent desperationem.

(a) Possidit in indice operum Augustini recenset habitus ab ipso in quorundam episcoporum depositione sermones, qui hactenus desiderantur. Hujus porro argumenti est hic sermo consolatorius, qui ante inter Fulgentii subditios relatus fuerat, sed eruditiorum ferte judicio inter germanos Augustini sermones collocandus.

SERMO S. PRESBYTERI ERACLII,

DISCIPULI S. AUGUSTINI,

IPSO PRESENTE HABITUS (a).



1. Puto, fratres, quod meam sarcinam sentiatis ; et peto ut tanto me onere laborantem, fraternalis votis tanquam suppositis humeris, sublevetis. Nam beatissimus Pater, qui hoc mihi pondus imposuit, scio quia pro me orare non deinit. Non enim sola iussione me premere, et pia oratione deserteret. Sine dubio, fratres, qui iussit ut hoc feram, orat ut perfaram. Quid ergo quod iussit, nisi audiens ignorantium præsentem sapientiam, et loqui imperitiam tacente doctrina ? Cumque Scriptura dicat, *Loquere, senior : decet enim te* (*Ecli. xxxii, 5*) ; Pater dicit, *Loquere, junior : delectat enim aie*. Scitis autem, fratres, quia loqui pro vobis verbum Dei et ante jam coeparam. Suscepimus enim nuper officii necessitate compulsi ; quia hoc manus effugere non habebam. Sed facile est absentis magistri locum supplex quicunque discipulus : arduum vero est atque difficile docere condiscipulos sub magistro ; tali præsertim magistro, cuius

verbis ex eo est major auctoritas, quod docentem lingua vita comitatur. Ad omne enim bonum quod nobis insinuat eruditio verbo, præcedit nos conversationis exemplo. Præcedit nos, inquam ; utinam vel sequamur ! Quidquid enim in hoc viro miramur, veneramur, amplectimur, tunc creditur vera a nobis amari, si non pigeat imitari. Pro modulo ergo nostro ad eum nos unusquisque tendamus, atque existens¹ de radice cordis ejus diversos virtutum ramos prout valemus singuli decerpamus. Qui potest, assequatur ejus eloquentiam : qui non potest, teneat continentiam. Qui potest, impletat ejus auctoritatem : qui non potest, sectetur humilitatem. Qui potest, apprehendat ejus scientiam : qui non potest, imitetur ejus patientiam. Atque in omnibus viis Domini, qui potest, ambulet cum illo ; et qui non potest, discat ab illo. Gaudeamus, fratres, secundum dispensationem ma-

¹ Forte, existentes.

(a) Ex manuscripto codice Ecclesiæ Bellovicensis erutus per V. C. Godefroidum Hermant, ejusdem Ecclesiæ canonicum.

nerum divinorum habere nos in ipso quod non habemus in nobis. Quidquid enim in illo videmus, nostrum est, si amenius.

2. Hoc ergo tacente, nos loquimur. Hoc, inquam, tacente nos loquimur. Ciclada¹ clamat, et cygnus tacet : sed non facit loquentibus nobis, quia ipse loquitur et in nobis. Si enim vobis dicimus quod ab eo didicimus, ipse vos docet sive per se, sive per me. Verumtamen, fratres, hoc quod nobis imposuit adhuc parvis, vix impulet a magnis. Sed non ideo jam desperare debemus, quia parvi sumus. Benedixit enim Dominus pusilios cum magnis (*Psalm. cxiii*, 13). Multum fortia sunt, que poscuntur a nobis, et nos infirmi sumus. Infirmi sumus, fragiles sumus, fisticles sumus ; sed quid ? Placabit Domino ponere in vase fisticli, ponere thesaurem suum ; ut dicamus et nos cum Paulo apostolo, *Habemus thesaurem istum in vasis fisticibus* (*II Cor. iv*, 7). In manu enim illius nos et sermones nostri (*Sap. vii*, 16), qui dat verbum evangelizantibus virtute multa (*Psalm. lxvii*, 12), Quid enim putatis, fratres, quia dispensator iste tam sapiens, nisi se sciret in nobis pecuniam dominicam collocasse, juberet vobis aliquid erogare ? Conscius sibi est operum suorum ; conscius sibi est pitorum laborum : scit quantum nō sale verbi condierit. Est enim ipse sal terra vividum, referens apostolicę doctrinę saporem. Sed viceror ne condimentum ejus in culto corde non duxerim. Bene ergo fecit, quod nostrum voluit gustare sermonem. Bene fecit, inspicere quantum in nobis sui saporis agnoscat. Quid enim aliud existimandum est, quod inter cæteros patres, et presbyteros meos loqui sub conspectu suo me potissimum iussit, quod ante facere solebat, nisi quia de eorum maturitate atque eruditione securus, nostra voluit rudimenta sic probare. Pareo, fratres, salubrissim Imperat ; et cui me dudum in Domino nutriendum erudiendumque commisi, non subtraho. Inspice, Pater pie et Magister bone. Interroga linguam, et testimonium prodat tibi cordis affectum.² Quidquid tibi in nostro sermone placuerit, agnosce, quia tuum est : quidquid autem disperguerit,

ignoscere, quia meum est : sed sic ignoscere, ut corrigas ; sic ignoscere, ut punias. Ignoscas mihi quia erravi ; punias mihi quod erravi : ac sic parcas homini, non errori : donec paulatim totum quod non a te plantatum est, relinquatur.

3. Sed ut vobiscum potius, dilectissimi, quam cum ipso loquar, ne in aliquo limites paternae jussionis exceedam : qui me ut vobis loquerer, imperavit : in hoc ejus facto Paulum apostolum cogitemus, cuius modo Epistolam, cum legeretur, audivimus. Cum enim divinis mysteriis adolescentem Timotheum præpararet, cœlestibusque doctrinis mentem adolescentis imbueret, dicebat, *Prædicta verbum* ; et paulo post, *Opus factum evangelista, ministerium tuum adimple* (*II Tim. iv*, 2). Tunc si diceret ille, Non possum ; respondebat Paulus, Quare non potes, fili ? Nonne ab infantia sacras litteras didicisti (*Id. iii*, 15) ? Hoc, fratres, mihi non potest dici. Sicut enim uoverunt plurimi vestrum, jam durus hic adveni. Per omnia enim tempore puerilis ætatis, quam facilius flectit ac dirigit norma doctrinæ, rebus aliis occupabar. Sed plane, quod satendum est, postquam veni, quantum potuit, in me operatus est sanctus agricola, multumque cognitus est nostram expugnare duritiam. Néque imberes unquam mihi, neque semina defuerunt : et ideo nunc qui semen iniecit, fructum requirit. Oret ut non degeneraverint grana ejus in nobis : et quidquid vel in sermonibus vel in moribus ipso excolente et Domino incrementum dante processerit, non spina, sed spica sit. Quod ergo jam restat, dilectissimi, ipsum pariter deprecemur, ut quemadmodum ego ultra vires meas præcepit ejus parui, ita omnium nostrum desiderio se ipse non subtrahat, sed post hunc sermonem nostrum loqui vobis vel pauca dignetur ; quæ discedentes vos meminisse delectet, et recordando salubriter ruminare non pigeat. Verumtamen, ne toto sermone in execusatione consumpto Sanctitatem vestram monuisse nihil videar, audite me, fratres. Quæcumque a Patre nostro semper audistis, et accepistis, et didicistis, hæc cogitate, hæc agite ; et Deus pacis erit vobiscum (*Philip. iv*, 8, 9). Amen.

¹ Pro, cicada.

² Forte, affectus.

S. AURELII AUGUSTINI SERMONUM QUORUM DAM

QUI ADHUC DESIDERANTUR

FRAGMENTA

REPERTA IN COLLECTANEIS EUGYPII, BEDÆ, FLORI AC JOANNIS ROMANÆ ECCLESIAE
DIACONI.



*Ex Sermone contra Pelagianos, in Eusebii tomo 2,
cap. 287 aut 288 (a).*

1. *Urbanus episcopus. Pelagianorum error, liberi arbitrii viribus vinci posse tentationes, nec de peccatorum temptationibus agi in oratione dominica. Illa duo, Dimite nobis debita nostra, sicut et nos dimittimus debitoribus nostris ; et, Ne nos inferas in temptationem, (Matthew. vi, 12 et 13), quando Pelagianis objiciuntur, quid eos putatis respondere ? Horru, fratres mei, quando audivi. Ego quidem non audivi auribus meis, sed sanctus frater et coepiscopus meus Urbanus no-*

ster, qui hic presbyter fuit, et modo est Siccensis episcopus, cum remeasset ab urbe Roma, et ibi cum quadam talia sentiente consigeret, vel se conflixisse referret, cum urgeretur pondere orationis dominice : urgebat enim eum, et dicebat, Si in nostra potestate est non peccare, et in nostra potestate est omnes peccatorum temptationes solis voluntatis nostræ viribus superare, quare Deo dicimus, Ne nos inferas in temptationem ? quid eum putatis respondisse ? Rogamus, inquit, Deum, ne nos inferat in temptationem, ne aliquid mali patiamur, quod non habenius in potestate : ne ruam de equo, et ne frangam pedem, ne latro me

(a) Citat Florus ad *II Cor. xiii*, et *I Tim. v.*